

সাদ্‌ব্‌গার ফযীলত

05-April-2018



সাঙ্‌াহিক সুন্নাতে ভরা ইজ্‌তিমার

সুন্নাতে ভরা বয়ান

(Bangla)

(For Islamic Brothers)

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ ط
 أَمَا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ ط بِسْمِ اللَّهِ الرَّحْمَنِ الرَّحِيمِ ط
 الصَّلَاةُ وَالسَّلَامُ عَلَيْكَ يَا رَسُولَ اللَّهِ وَعَلَى أٰلِكَ وَأَصْحَابِكَ يَا حَبِيبَ اللَّهِ
 الصَّلَاةُ وَالسَّلَامُ عَلَيْكَ يَا نَبِيَّ اللَّهِ وَعَلَى أٰلِكَ وَأَصْحَابِكَ يَا نُورَ اللَّهِ
 نَوَيْتُ سُنَّتَ الْإِعْتِكَافِ

(অর্থাৎ আমি সুল্লাত ইতিকাহফের নিয়্যত করলাম।)

যখনই মসজিদে প্রবেশ করবেন, মনে করে নফল ইতিকাহফের নিয়্যত করে নিন। কেননা, যতক্ষণ মসজিদে থাকবেন, নফল ইতিকাহফের সাওয়াব অর্জিত হতে থাকবে এবং সাধারণভাবে মসজিদে খাওয়া-দাওয়াও জায়য হয়ে যাবে। ইতিকাহফের নিয়্যতও শুধুমাত্র খাওয়া দাওয়া বা ঘুমানোর জন্য যেনো না হয় বরং এর উদ্দেশ্য যেনো আল্লাহ তায়ালায় সন্তুষ্টি জন্যই হয়। ফতোওয়ায়ে শামীতে বর্ণিত রয়েছে: যদি কেউ মসজিদে খাওয়া দাওয়া বা ঘুমাতে চায় তবে ইতিকাহফের নিয়্যত করে নিন, কিছুক্ষণ আল্লাহ তায়ালায় যিকির করণ অতঃপর যা ইচ্ছা করণ (অর্থাৎ এবার চাইলে খাওয়া দাওয়া বা ঘুমাতে পারেন)।

দরুদ শরীফের ফযীলত

নবীয়ে করীম, রউফুর রহীম, হুযুর পুরনূর صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: اٰرْثَا يَا اٰيُّهَا النَّاسُ اَنْجَاكُمْ يَوْمَ الْقِيَامَةِ مِنْ اٰبْوَالِهَآ وَمَوَاطِنِهَآ দিনের ভয়াবহতা এবং হিসাব নিকাশ থেকে তাড়াতাড়ি মুক্তিপ্রাপ্ত ব্যক্তি সেই হবে, যে তোমাদের মধ্য থেকে আমার প্রতি দুনিয়ায় অধিকহারে দরুদ শরীফ পাঠ করবে। (ফিরদাউসুল আখবার, ২/৪৭১, হাদীস নং-৮২১০)

صَلُّوْا عَلٰى الْحَبِيبِ! صَلَّى اللهُ تَعَالَى عَلَيْهِ وَآلِهِ وَسَلَّمَ

প্রিয় ইসলামী ভাইয়েরা! আসুন! আল্লাহ তায়ালায় সন্তুষ্টি এবং সাওয়াব অর্জনের উদ্দেশ্যে বয়ান শ্রবণ করার পূর্বে ভালো ভাল নিয়্যত করে নিই। প্রিয় নবী صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: “نَبِيُّهُ الْمُوْمِنِمْ خَيْرٌ مِنْ عَمَلِهٖ” মুসলমানের নিয়্যত তার আমল অপেক্ষা উত্তম। (মু'জামুল কাবীর, সাহাল বিন সা'আদ, ৬/১৮৫, হাদীস: ৫৯৪২)

দু'টি মাদানী ফুল:

- (১) ভালো নিয়ত ছাড়া কোন উত্তম কাজের সাওয়াব পাওয়া যায় না।
 (২) ভালো নিয়ত যত বেশি হবে, সাওয়াবও তত বেশি পাওয়া যাবে।

বয়ান শ্রবণ করার নিয়ত সমূহ

☆ দৃষ্টিকে নত রেখে গভীর মনোযোগ সহকারে বয়ান শ্রবণ করবো।
 ☆ হেলান দিয়ে বসার পরিবর্তে ইলমে দ্বীনের সম্মাণার্থে যতক্ষণ সম্ভব দু'যানু হয়ে বসবো। ☆ প্রয়োজনে সামনে এগিয়ে অন্যদের জন্য জায়গা প্রসারিত করবো।
 ☆ **تَوْبُوْا اِلَى اللّٰهِ! اَذْكُرُوْا اللّٰه! صَلُّوْا عَلَيَّ الْحَبِيْب!** ইত্যাদি শুনে সাওয়াব অর্জন এবং আওয়াজ প্রদানকারীর মনতুষ্টির জন্য উচ্চস্বরে উত্তর প্রদান করবো। ☆ বয়ানের পর নিজেই আগে এসে সালাম ও মুসাফাহা এবং ইনফিরাদী কৌশিশ করবো।

صَلُّوْا عَلَيَّ الْحَبِيْب! صَلَّى اللّٰهُ تَعَالَى عَلَيَّ مُحَمَّد

চার দিরহামের পরিবর্তে চারটি দোয়া

ফয়যানে সুন্নাত প্রথম খন্ডের অধ্যায় ফয়যানে بِسْمِ اللّٰهِ এর ৮৬ পৃষ্ঠায় শায়খে তরিকত, আমীরে আহলে সুন্নাত, দা'ওয়াতে ইসলামীর প্রতিষ্ঠাতা হযরত আল্লামা মাওলানা আবু বিলাল মুহাম্মদ ইলইয়াস আত্তার কাদেরী রযবী যিয়ায়ী **دَامَتْ بَرَكَاتُهُمُ الْعَالِيَةِ** উদ্ধৃত করেন:

হযরত সাযিয়দুনা মনসুর বিন আন্নার **رَحْمَةُ اللّٰهِ تَعَالَى عَلَيْهِ** একবার বর্ণনা করছিলেন যে, কোন হকদার ব্যক্তি ৪টি দিরহামের জন্য আবেদন করলো। তিনি **رَحْمَةُ اللّٰهِ تَعَالَى عَلَيْهِ** ঘোষণা দিলেন: “এ ব্যক্তিকে যে ৪টি দিরহাম প্রদান করবে, তার জন্য আমি চারটি দোয়া করবো।” তখন সেদিক দিয়ে একজন গোলাম যাচ্ছিলো, তখন কামিল ওলীর দয়াপূর্ণ আওয়াজ শুনে তার পা স্থির হয়ে গেলো, তার নিকট যে ৪টি দিরহাম ছিলো তা সে ঐ ব্যক্তিকে দিয়ে দিলো। হযরত সাযিয়দুনা মনসুর **رَحْمَةُ اللّٰهِ تَعَالَى عَلَيْهِ** বললেন: বলো কোন ৪টি দোয়া করাতে চাও? সে আরয করলো: (১) আমি যেনো গোলামী থেকে মুক্তি পেয়ে যাই (২) আমি যেনো ঐ দিরহামগুলোর বিনিময় পেয়ে যাই (৩) আমার এবং আমার মুনিবের যেনো তাওবা নসীব হয় (৪) আমার, আমার মুনিবের, আপনার এবং এখানে উপস্থিত সকলের যেনো গুনাহ ক্ষমা হয়ে যায়। হযরত

সায়্যিদুনা মনসূর বিন আম্মার رَحْمَةُ اللَّهِ تَعَالَى عَلَيْهِ হাত তুলে দোয়া করলেন, গোলাম নিজের মুনীবের নিকট দেরীতে পৌঁছলো। মুনীব দেরী করার কারণ জানতে চাইলে সে পুরো ঘটনা খুলো বললো। মুনীব জিজ্ঞাসা করলো: “প্রথম দোয়া কি ছিলো?” গোলাম বললো: আমি আরয করেছিলাম, দোয়া করুন যেনো আমি গোলামী থেকে মুক্তি পেয়ে যাই।” এটা শুনে মুনীবের মুখ থেকে তখনই বেরিয়ে এলো: “যাও তুমি গোলামী থেকে মুক্ত হয়ে গেলে”। মুনীব বললো: দ্বিতীয় দোয়া কি করেছিলে? বললো: “যে ৪টি দিরহাম দিয়েছিলাম তার বিনিময় যেন পাই।” মুনীব বলে উঠলো: “আমি তোমাকে ৪টি দিরহামের পরিবর্তে ৪ হাজার দিরহাম দিলাম।” পুনরায় জিজ্ঞাসা করলো: “তৃতীয় দোয়া কী ছিলো?” বললো: “আমার ও আমার মুনীবের যেনো গুনাহ হতে তাওবা করার সামর্থ্য লাভ হয়।” একথা শুনেই মুনীবের মুখে ইস্তিগফার জারী হয়ে গেলো আর বলতে লাগলো: “আমি আল্লাহ তায়ালার দরবারে সকল গুনাহ থেকে তাওবা করছি।” আর ৪র্থ দোয়াটিও বলে দাও। বললো: “আমি আবেদন করেছি, আমার, আমার মুনীবের, আপনার এবং ইজতিমায় উপস্থিত সকল ব্যক্তির গুনাহ সমূহ যেনো ক্ষমা হয়ে যায়।” একথা শুনে মুনীব বললো: তিনটি বিষয় যা আমার আয়ত্বে ছিলো, তা আমি করে দিয়েছি, ৪র্থটি অর্থাৎ সকলের গুনাহ ক্ষমার বিষয়টি আমার আয়ত্বে বাহিরে। ঐ রাতেই মুনীব স্বপ্নের মধ্যে কাউকে বলতে শুনলো, “যা তোমার আয়ত্বে ছিলো, তা তুমি করে দিয়েছো আর আমি ‘أَزَحْمُ الرَّحْمَنِ’ আমি তোমাকে, তোমার গোলামকে, মনসুরকে এবং সকল উপস্থিত ব্যক্তিদেরকে ক্ষমা করে দিয়েছি।”

(ফয়যানে সুন্নাত, ফয়যানে শিরো, ১ম খন্ড, ৮৬ পৃষ্ঠা। রওযুর রিয়াজীন, ২২২, ২২৩ পৃষ্ঠা)

প্রিয় ইসলামী ভাইয়েরা! আপনারা দেখলেন তো! আল্লাহ তায়ালার পথে খরচ করার কিরূপ বরকত অর্জিত হয়ে থাকে। সেই গোলাম শুধুমাত্র চার দিরহাম সদকা করেছে, আর আল্লাহ তায়ালার তাকে তার মুনীবের মাধ্যমে সেই চার দিরহামের পরিবর্তে চার হাজার দিরহাম প্রদান করেন এবং সে গোলামী থেকে মুক্তির বার্তাও পেয়ে গেলো, তাছাড়া আল্লাহ তায়ালার সেই সদকার বরকতে গোলাম এবং তার মুনীবসহ অনেক লোককে ক্ষমাও করে দিলেন। বাস্তবেই যে আল্লাহ তায়ালার পথে একনিষ্ঠতা সহকারে সদকা করে, আল্লাহ তায়ালার তাকে দ্বিগুণ প্রতিদান দান করেন,

বরং এর চেয়েও বেশি দান করা হয়, সুতরাং আমাদেরও উচিত, মাঝে মাঝে আল্লাহ তায়ালায় পথে অবশ্যই সামর্থ্য অনুযায়ী সদকা করতে থাকা, **إِنَّ مَخَاءَ اللَّهِ عَزَّوَجَلَّ** আমাদের এর অসংখ্য দ্বীনি ও দুনিয়াবী বরকত অর্জিত হবে। আল্লাহ তায়ালায় পথে সদকা ও খয়রাত করার গুরুত্ব ও ফযীলতের অনুমান এই বিষয়টি দ্বারা করুন যে, স্বয়ং আমাদের প্রিয় আল্লাহ তায়ালা কোরআনে মজীদ, ফোরকানে হামিদে সদকা ও খয়রাত করার আদেশ ইরশাদ করেছেন এবং বিভিন্ন স্থানে সদকা ও খয়রাক প্রদানকারীদের প্রসংশাও করেছেন, যেমনটি সূরা বাকারার প্রথমদিকের আয়াতে সদকা ও খয়রাত প্রদানকারীদেরকে হেদায়াতের সুসংবাদ শুনানো হয়েছে, যেমনটি আল্লাহ তায়ালায় বানী হচ্ছে:

هُدًى لِّلْمُتَّقِينَ ۝ الَّذِينَ يُؤْمِنُونَ
بِالْغَيْبِ وَيُقِيمُونَ الصَّلَاةَ وَمِمَّا
رَزَقْنَاهُمْ يُنْفِقُونَ ۝

(১ম পারা, সূরা বাকারা, আয়াত ২, ৩)

কানযুল ঈমান থেকে অনুবাদ: তাতে হিদায়ত রয়েছে খোদাভীতি সম্পন্নদের জন্য, তারা ই, যারা না দেখে ঈমান আনে নামায কায়েম রাখে এবং আমার প্রদত্ত জীবিকা থেকে আমার পথে ব্যয় করে।

সদররুল আফযিল হযরত আল্লামা মাওলানা সৈয়দ মুহাম্মদ নঈমউদ্দীন মুরাদাবাদী **رَحْمَةُ اللَّهِ تَعَالَى عَلَيْهِ** আয়াতে মোবারাকার এই অংশ: **(وَمِمَّا رَزَقْنَاهُمْ يُنْفِقُونَ)** এর আলোকে বলেন: আল্লাহ তায়ালায় পথে ব্যয় করা দ্বারা হয়তো যাকাত উদ্দেশ্য, যেমনটি অপর স্থানে ইরশাদ করেন: **يُقِيمُونَ الصَّلَاةَ وَيُؤْتُونَ الزَّكَاةَ** (অর্থাৎ তারা নামায কায়েম করে এবং যাকাত প্রদান করে) অথবা ‘সাধারণ ব্যয়’ তা ফরয হোক বা ওয়াজিব, যেমন; যাকাত, মান্নত, নিজের এবং স্বীয় পরিবারের ব্যয় নির্বাহ করা ইত্যাদি। কিংবা ‘মুস্তাহাব ব্যয়’, যেমন; নফল সদকা এবং মৃত ব্যক্তির জন্য ইছালে সাওয়াব করা। **মাসআলা:** গেয়ারভী শরীফ, ফাতেহা খানি, তীজাহ (মৃত ব্যক্তির জন্য তৃতীয় দিবসে ইছালে সাওয়াবের আয়োজন), চেহলাম ইত্যাদিও অন্তর্ভুক্ত, এগুলোও সফল সদকা। (খামায়িনুল ইরফান, ৬ পৃষ্ঠা)

প্রিয় ইসলামী ভাইয়েরা! আসলেই অনেক সৌভাগ্যবান সেই মুসলমান, যারা নিজের সম্পদের ওয়াজিব হকগুলো আদায় করে, আনন্দচিত্তে যথাসময়ে যাকাত ও ফিতরা আদায় করে, নিজের সম্পদ পিতামাতা, ভাইবোন এবং সন্তানদের জন্য ব্যয়

করে, আপন আত্মীয় স্বজনের মৃত্যুতে ইছালে সাওয়াবের জন্য মিসকিনদের আহাৰ করায়, ভাল ভাল নিয়তে মেডিকেল বানায়, সাধারণ লোকের অধিকারের প্রতি সজাগ থেকে একনিষ্ঠতা সহকারে কোরআন খানি, ইজতিমায়ে যিকির ও নাত এবং আশিকানে রাসূলের সুন্নাতে ভরা ইজতিমায় ব্যয় করে, মসজিদ ও মাদরাসা এবং জামেয়া ইত্যাদি নির্মান ও উন্নতি এবং প্রতিদিনকার ব্যয় বহন করে। আল্লাহ তায়ালা তাদেরকে আপন অনুগ্রহে দ্বিগুণ বরং এরচেয়েও বেশি দান করবেন, আসুন! আমরাও নিয়ত করি যে, আল্লাহ তায়ালাৰ সন্তুষ্টির জন্য নিজের অনুদান দাওয়াতে ইসলামীকে দিবো এবং অপরকেও এর প্রতি উৎসাহ প্রদান করবো **إِنْ شَاءَ اللَّهُ عَزَّوَجَلَّ** ।

সদকার সংজ্ঞা

আসুন! সদকার সংজ্ঞাও জেনে নিই, সদকা দ্বারা উদ্দেশ্য হলো যে, কোন জিনিষ আল্লাহ তায়ালাৰ পথে দিয়ে দেয়া এবং এর মাধ্যমে মানুষের মাঝে নিজের বাহ বাহ কুড়ানো উদ্দেশ্য না হওয়া, বরং আল্লাহ তায়ালাৰ দরবার থেকে সাওয়াব অর্জনের নিয়ত করা। (কিতাবত তারিফাত, বাবুস সদ, ৯৪ পৃষ্ঠা)

صَلُّوا عَلَى الْحَبِيبِ! صَلَّى اللَّهُ تَعَالَى عَلَى مُحَمَّدٍ

প্রিয় ইসলামী ভাইয়েরা! সদকার বর্ণনাকৃত সংজ্ঞার প্রসঙ্গে এটাও জানা গেলো যে, সত্যিকার সদকা হলো তাই, যার উদ্দেশ্য লৌকিকতা, দুনিয়ার ভালবাসা এবং মানুষের মাঝে নিজের বাহ বাহ কুড়ানো না হয়, বরং তা শুধুমাত্র আল্লাহ তায়ালাৰ সন্তুষ্টি ও খুশি এবং তাঁর পক্ষ থেকে অর্জিত সাওয়াব অর্জন করার উদ্দেশ্যে দেয়া হয়েছে। মানুষ যে জিনিষ আল্লাহ তায়ালাৰ সন্তুষ্টি অর্জনের জন্য সদকা করছে তা প্রয়োজনীয় হওয়ার পাশাপাশি ভাল, উত্তম এবং কাজিফত ও পছন্দনীয়ও হওয়া চাই, যেমন; কোরআনে পাকে আল্লাহ তায়ালা ৪র্থ পারার সূরা আলে ইমরানের ৯২ নং আয়াতে ইরশাদ করেন:

لَنْ تَسْأَلُوا النَّبِيَّ حَتَّى تُنْفِقُوا مِمَّا تُحِبُّونَ ۗ

وَمَا تُنْفِقُوا مِنْ شَيْءٍ فَإِنَّ اللَّهَ بِهِ عَلِيمٌ ﴿٩٢﴾

(৪র্থ পারা, সূরা আলে ইমরান, আয়াত ৯২)

কানযুল ঈমান থেকে অনুবাদ: তোমরা কখনো পূণ্য পর্যন্ত পৌছবেনা যতক্ষণ আল্লাহর পথে আপন প্রিয়বস্তু ব্যয় করবে না এবং তোমরা যা কিছু ব্যয় করো তা আল্লাহর জানা আছে।

সদরুল আফাযিল হযরত আল্লামা মাওলানা সৈয়দ মুহাম্মদ নঈমউদ্দীন মুরাদাবাদী رَحْمَةُ اللهِ تَعَالَى عَلَيْهِ এই আয়াতের তাফসীরে বলেন: হযরত ইবনে ওমর رَضِيَ اللهُ تَعَالَى عَنْهُمَا বলেন: এখানে ‘ব্যয় করা’ ব্যাপক অর্থে ব্যবহৃত হয়েছে, সব ধরনের সদকা এতে অন্তর্ভুক্ত, অর্থাৎ ওয়াজিব সদকা হোক কিংবা নফল সদকা এতে অন্তর্ভুক্ত। হযরত হাসান (বসরী رَحْمَةُ اللهِ تَعَالَى عَلَيْهِ) এর অভিমত হচ্ছে, যে সম্পদ মুসলমানদের নিকট প্রিয় আর তা আল্লাহ তায়ালার সন্তুষ্টির জন্য ব্যয় করে, তারা এই আয়াতের অন্তর্ভুক্ত; যদিও তা একটি খেজুরও হোক না কেন।

হযরত সাযিদুনা ওমর বিন আব্দুল আযীয رَضِيَ اللهُ تَعَالَى عَنْهُ চিনির বস্তা কিনে সদকা করতেন, তাঁকে বলা হলো: এর মূল্য কেন সদকা করেন না? তিনি বললেন: চিনি আমার অত্যধিক প্রিয় ও পছন্দনীয়, আমি চাই আল্লাহ তায়ালার পথে আমার প্রিয় বস্তা ব্যয় করতে।

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

প্রিয় ইসলামী ভাইয়েরা! আপনারা দেখলেন তো! স্বয়ং আল্লাহ তায়লাই আপন প্রিয় বস্তা ব্যয় করার উৎসাহ প্রদান করছেন, সুতরাং আমাদের উচিত, কৃপণতা না করে ভাল ভাল নিয়ত এবং একনিষ্ঠতা সহকারে মন খুলে সদকা ও খয়রাত করা। প্রকাশ্য যে, আমাদের নিকট যা কিছুই রয়েছে, তা আল্লাহ তায়ালারই প্রদত্ত, সুতরাং তারই প্রদত্ত সম্পদ থেকে তারই সন্তুষ্টির জন্য সদকা করা নিঃসন্দেহে নেয়ামত আরো বৃদ্ধি করার মাধ্যম, আর এর বিপরীতে সামর্থ্য থাকা স্বত্বেও সদকা ও খয়রাত করা থেকে বিরত থাকা, আল্লাহ তায়ালার পক্ষ থেকে অর্জিত নেয়ামত সমূহ থেকে বঞ্চিত হওয়ার কারণ হতে পারে।

হযরত আসমা বিনতে আবু বকর رَضِيَ اللهُ تَعَالَى عَنْهَا থেকে বর্ণিত, তিনি বলেন: রাসূলুল্লাহ صَلَّى اللهُ تَعَالَى عَلَيْهِ وَآلِهِ وَسَلَّمَ আমাকে ইরশাদ করেছেন: সদকা করার ক্ষেত্রে হাতকে সংকুচিত করো না, নয়তো তোমাদের প্রতিও সংকুচিত করে নেয়া হবে।

(বুখারী, কিতাবুয যাকাত, বাবুত তাহরিদি আলাস সদকা, ১/৪৮৩, হাদীস নং-১৪৩৩)

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

প্রিয় ইসলামী ভাইয়েরা! জীবনকে গণিমত মনে করুন! নিশ্চয় এই জীবন যেমন একটি মহান নেয়ামত, তেমনই আল্লাহ তায়ালার পক্ষ থেকে আমাদের জন্য নেকী অর্জন এবং আখিরাত সজ্জিত করার সেরা সুযোগও রয়েছে। সুতরাং যতটুকু নিশ্বাস অবশিষ্ট আছে, তাতে দ্রুত নেকী অর্জন করুন, অধিকহারে সদকা ও খয়রাত করে নিন, নয়তো মৃত্যুর বার্তা আসার পর এই সুযোগ শেষ হয়ে যাবে, অতঃপর চাইলেও আর সুযোগ পাবে না। আল্লাহ তায়ালার ২৮তম পারার সূরা মুনাফিকুনের ১০ ও ১১নং আয়াতে ইরশাদ করেন:

وَأَنْفِقُوا مِنْ مَّا رَزَقْنَاكُمْ مِنْ قَبْلِ أَنْ
يَأْتِيَ أَحَدَكُمُ الْمَوْتُ فَيَقُولَ رَبِّ لَوْلَا
أَخَّرْتَنِي إِلَىٰ آجَلٍ قَرِيبٍ فَأَصَّدَّقَ وَ
أَكُن مِنَ الصَّالِحِينَ ﴿١٠﴾ وَلَنْ يُؤَخَّرَ
اللَّهُ نَفْسًا إِذَا جَاءَ أَجَلُهَا ۗ

(৪র্থ পারা, সূরা আলে ইমরান, আয়াত ৯২)

কানযুল ঈমান থেকে অনুবাদ: আর আমার প্রদত্ত (রিযিক) থেকে কিছু আমার পথে ব্যয় করো এর পূর্বে যে, তোমাদের মধ্যে কারো নিকট মৃত্যু এসে পড়বে। অতঃপর বলতে থাকবে, 'হে আমার প্রতিপালক! তুমি আমাকে কিছু সময়ের জন্য কেন অবকাশ দিলে না? যাতে আমি দান সদকা করতাম এবং সৎকর্ম পরায়ণদের অন্তর্ভুক্ত হতাম! এবং কখনো আল্লাহ কোন প্রাণকে অবকাশ দেবেন না যখন তার প্রতিশ্রুতি (নির্ধারিত সময়) এসে পড়বে

প্রিয় ইসলামী ভাইয়েরা! এতে কোন সন্দেহ নেই যে, মানুষের নিজস্ব সম্পদ যা আসলে তার আখিরাতে কাজে আসবে, তাকে আল্লাহ তায়ালার সন্তুষ্টি ও খুশি অর্জন করিয়ে দিবে এবং তাই দোযখের আগুন থেকে বাঁচাবে, যা সে সদকা ও খয়রাত আকারে নেক কাজে ব্যয় করে দিয়েছে। যাহোক ঐ সম্পদ, যা তার নিকট বিদ্যমান এবং সে তা নিজের সম্পদই মনে করে, তাতে তার নয়ই, আসলে তো সে সম্পদ তার ওয়ারিশদের।

হযরত সাযিয়দুনা হারিস বিন সুয়াইদ رَضِيَ اللَّهُ تَعَالَى عَنْهُ থেকে বর্ণিত, নবীয়ে রহমত, শফীয়ে উম্মত صَلَّى اللَّهُ تَعَالَى عَلَيْهِ وَآلِهِ وَسَلَّمَ ইরশাদ করেন: أَيُّكُمْ مَالٌ وَارِثَةٌ أَحَبُّ إِلَيْهِ مِنْ مَالِهِ? তোমাদের মধ্যে কার নিজের সম্পদের চেয়ে বেশি ওয়ারিশদের সম্পদ পছন্দ? সাহাবায়ে কিরাম عَلَيْهِمُ الرِّضْوَان আরয করলেন: **ইয়া রাসূলুল্লাহ صَلَّى اللَّهُ تَعَالَى عَلَيْهِ وَآلِهِ وَسَلَّمَ!** আমাদের মধ্যে সবারই নিজের সম্পদই বেশি পছন্দ। তিনি صَلَّى اللَّهُ تَعَالَى عَلَيْهِ وَآلِهِ وَسَلَّمَ ইরশাদ করলেন: **فَأَنَّ مَالَهُ مَا قَدَّمَ وَمَالٌ وَارِثَةٌ مَا أَخَّرَ** মানুষের নিজস্ব সম্পদ

তো তা, যা সে পূর্বেই প্রেরণ করে দিয়েছে (অর্থাৎ আল্লাহ তায়ালার পথে ব্যয় করে দিয়েছে) এবং যা সে পরবর্তীতে (দুনিয়ায়) রেখে গিয়েছে, তা তার ওয়ারিশদের সম্পদ। (সহীহ বুখারী, কিতাবুর রিকাক, ৫৩১ পৃষ্ঠা, হাদীস নং-৬৪৪২)

হাদীসে মোবারাকা সমূহে সদকার অসংখ্য ফযীলত বর্ণিত হয়েছে, আসুন! এসম্পর্কে প্রিয় নবী ﷺ এর আটটি বাণী শ্রবণ করি।

সদকার ফযীলত সম্বলিত প্রিয় নবী ﷺ এর আটটি বাণী

১. **الْصَّدَقَةُ تُسَدُّ سَبْعِينَ بَابًا مِّنَ السُّوءِ** অর্থাৎ সদকা অমঙ্গলের ৭০টি দরজা বন্ধ করে দেয়। (আল মু'জামুল কবীর, ৪/২৭৪, হাদীস নং-৪৪০২)
২. **كُلُّ امْرِيٍّ فِي ظِلِّ صَدَقَتِهِ حَتَّى يُقْفَى بَيْنَ النَّاسِ** অর্থাৎ প্রত্যেক ব্যক্তি (কিয়ামতের দিন) নিজের সদকার ছায়ায় থাকবে, এমনকি মানুষের মাঝে ফয়সালা করে দেয়া হবে। (আল মু'জামুল কবীর, ১৭/২৮০, হাদীস নং-৭৭১)
৩. **إِنَّ الصَّدَقَةَ لَتُطْفِئُ عَنْ أَرْبَعِهَا حَرَّ الْقُبُورِ وَإِنَّمَا يَسْتَظِلُّ الْمُؤْمِنُ يَوْمَ الْقِيَامَةِ فِي ظِلِّ صَدَقَتِهِ** অর্থাৎ নিশ্চয় সদকা প্রদানকারীকে সদকা কবরের গরম (উষ্ণতা) থেকে রক্ষা করবে এবং নিঃসন্দেহে মুসলমান কিয়ামতের দিন নিজ সদকার ছায়ায় থাকবে। (শুয়াবুল ইমান, বাবুয যাকাত, ৩/২১২, হাদীস নং-৩৩৪৭)
৪. **الْصَّلَاةُ بُرْهَانٌ وَالصَّوْمُ جُنَّةٌ وَالصَّدَقَةُ تُطْفِئُ الْخَطِيئَةَ كَمَا يُطْفِئُ الْمَاءُ النَّارَ** অর্থাৎ নামায হলো (ঈমানের) দলীল এবং রোযা হলো (গুনাহের) ঢাল স্বরূপ আর সদকা গুনাহকে এভাবে মিটিয়ে দেয়, যেমনিভাবে পানি আগুনকে। (তিরমিযী, আবওয়াবুস সফর, বাবু মা যিকরে ফি ফদলুস সালাত, ২/১১৮, হাদীস নং-৬১৪)
৫. **بَاكِرُوا بِالصَّدَقَةِ فَإِنَّ الْبِلَاءَ لَا يَتَخَطَّى الصَّدَقَةَ** অর্থাৎ ভোরে সদকা করো, কেননা বিপদাপদ সদকার আগে কদম বাড়ায় না। (শুয়াবুল ইমান, বাবু ফিয যাকাত, ৩/২১৪, হাদীস নং-৩৩৫৩)
৬. **إِنَّ صَدَقَةَ الْمُسْلِمِ تَزِيدُ فِي الْعُمْرِ وَتَمْنَعُ مِثْقَالَ السُّوءِ وَوَيُذِيبُ اللَّهُ الْكِبْرَ وَالْفَخْرَ** অর্থাৎ নিশ্চয় মুসলমানের সদকা বয়স বৃদ্ধি করে এবং মন্দ মৃত্যুকে প্রতিরোধ করে আর আল্লাহ তায়ালার এর বরকতে সদকা প্রদানকারী থেকে অহঙ্কার ও গর্ব (মন্দ স্বভাব) দূর করে দেয়। (আল মু'জামুল কবীর, ১৭/২২, হাদীস নং-৩১)

৭. اِنَّهَا حَجَابٌ مِّنَ النَّارِ لِمَنِ احْتَسَبَهَا يَبْتَغِيْ بِهَا وَجْهَ اللّٰهِ
জন্য সদকা প্রদান করে, তবে তা (সদকা) তার এবং আগুনের মধ্যখানে পর্দা হয়ে
যায়। (মু'জাম্বয যাওয়ালিদ, কিতাবুয যাকাত, বাবু ফদলুস সদকাতি, ৩/২৮৬, হাদীস নং-৪৬১৭)

৮. اِنَّ الصَّدَقَةَ لِتُطْفِئُ غَضَبَ الرَّبِّ وَتُدْفِعُ مِثْقَالَ السُّوْءِ
প্রশমিত করে এবং মন্দ মৃত্যুকে প্রতিরোধ করে।

(তিরমিযী, কিতাবুয যাকাত, বাবু মা'জা ফি ফদলুস সদকাত, ২/১৪৬, হাদীস নং-৬৬৪)

হাকীমুল উম্মত মুফতী আহমদ ইয়ার খাঁন নঈমী رَحْمَةُ اللهِ تَعَالَى এই সর্বশেষ
হাদীসে পাকের ব্যাখ্যায় বলেন: সদকা প্রদানকারী দানশীলের জীবনও উত্তম হয়ে
থাকে, প্রথমতঃ তার দুনিয়াবী বিপদাপদ আসেই না এবং যদি পরীক্ষামূলক এসেও
যায় তবে রব তায়ালা পক্ষ থেকে তার প্রশান্ত হৃদয় নসীব হয়, যাদ্বারা সে ধৈর্য্য
ধারণ করে সাওয়াব অর্জন করে নেয়, মোটকথা তার জন্য বিপদাপদ গুনাহ নিয়ে
আসে না, মাগফিরাত নিয়ে আসে, মন্দ মৃত্যু মানে হলো খারাপ শেষ পরিনতি বা
হঠাৎ উদাসিনতার মৃত্যু অথবা মৃত্যুর সময় এরূপ নিদর্শন প্রকাশ হওয়া যা মৃত্যুর পর
দুর্নামের কারণ হয় এবং এমন কঠিন রোগ যা মৃতের মনে ভয় সঞ্চার করে আল্লাহ
তয়ালা যিকির থেকে উদাসিন করে দেয়, মোটকথা দানশীল ব্যক্তি ঐ সকল
অমঙ্গল থেকে নিরাপদ থাকে। (মিরাতুল মানাজিহ শরহে মিশকাতুল মাসাবিহ, ৩য় খন্ড, ১০৩ পৃষ্ঠা)

হযরত আবু কাবশা আনমারী رَضِيَ اللهُ تَعَالَى عَنْهُ থেকে বর্ণিত, তিনি নবীয়ে
আকরাম, শাহানশাহে বনি আ'দম, হযুর পুরনূর صَلَّى اللهُ تَعَالَى عَلَيْهِ وَآلِهِ وَسَلَّمَ কে ইরশাদ করতে
শুনেছি, তিনটি বিষয় এমন, যার প্রতি আমি শপথ করছি এবং একটি বিষয় সম্পর্কে
তোমাদের সংবাদ দিচ্ছি, তা স্মরণ রাখো, ইরশাদ করলেন: কোন বান্দার সম্পদ
সদকা করাতে কমে যায়না এবং কেউ যদি অত্যাচার করে এবং সে এতে ধৈর্য্য ধারণ
করে, তবে আল্লাহ তায়ালা তার সম্মান বাড়িয়ে দেন এবং কেউ যদি (নিজের জন্য)
ভিক্ষার দরজা খুলে নেয়, তবে আল্লাহ তায়ালা তার প্রতি অভাবের দরজা খুলে দেন
এবং তোমাদের আরো একটি বিষয় জানিয়ে রাখছি, তা স্মরণ রেখো, ইরশাদ
করলেন: দুনিয়া হচ্ছে চার প্রকার বান্দাদের। (১) ঐ বান্দার, যাকে আল্লাহ তায়ালা
সম্পদ এবং জ্ঞান দিয়েছেন, আর সে এতে আল্লাহ তায়ালাকে ভয় করে (এবং নেক
আমল করে), আত্মীয়তার সম্পর্ক রক্ষা করে এবং এতে আল্লাহ তায়ালা হক সমূহ

সম্পর্কে জানে (সদকা ও যাকাত আদায় করে) এরূপ ব্যক্তি উত্তম মর্যাদাবান। (২) ঐ বান্দা, যাকে আল্লাহ তায়ালা জ্ঞান দিয়েছে এবং সম্পদ দেননি, সে একনিষ্ঠ নিয়্যতে বলে যে, যদি আমার নিকট সম্পদ হতো তবে আমি অমুকের (পূর্ববর্তী ব্যক্তি) ন্যায় আমল করতাম, সে তার এই নিয়্যতের প্রতিফল পাবে এবং এই দু'জন (প্রথম ও দ্বিতীয়) সাওয়াবের ক্ষেত্রে সমান। (৩) ঐ বান্দা, যাকে আল্লাহ তায়ালা সম্পদ দিয়েছে এবং জ্ঞান দেননি, সে নিজের সম্পদ কোন চিন্তা ভাবনা ছাড়াই ব্যয় করে, এতে আপন রব তায়ালাকে ভয় করেনা, আত্মীয়তার সম্পর্ক রক্ষা করেনা এবং এতে আল্লাহ তায়ালা হক সমূহ সম্পর্কে জানেনা (সদকা ও যাকাত আদায় করেনা), এই ব্যক্তি নিকৃষ্ট পর্যায়ের। (৪) ঐ বান্দা, যাকে আল্লাহ তায়ালা সম্পদও দেয়নি এবং জ্ঞানও দেয়নি, সে বলে যে, যদি আমার নিকট সম্পদ থাকতো তবে আমি অমুকের (তৃতীয় ব্যক্তি) ন্যায় ব্যয় করতাম, সে তার নিয়্যতের প্রতিফল পাবে এবং এই দু'জনের (তৃতীয় এবং চতুর্থ ব্যক্তি) গুনাহ সমান।

(মিরাতুল মানাজ্জিহ শরহে মিশকাতুল মাসাবিহ, ৭ম খন্ড, ৯৯ পৃষ্ঠা)

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

প্রিয় ইসলামী ভাইয়েরা! আপনারা দেখলেন তো! কিছু লোক যারা নিজের সম্পদ থেকে কিছু অংশ আল্লাহ তায়ালা সন্তুষ্টির জন্য ব্যয় করে, অনুরূপভাবে কিছু লোক যারা অভাবের কারণে সম্পদ ব্যয় তো করতে পারেনা, কিন্তু তাদের এরূপ ইচ্ছা হয় যে, যদি আমার নিকট সম্পদ আসে তবে আমিও আল্লাহ তায়ালা পথে ব্যয় করবো, এরূপ সৌভাগ্যবানদের সম্পর্কে হাদীসে পাকে ইরশাদ করা হয়েছে যে, তারা উত্তম মর্যাদার অধিকারী হবে। আহ! আমরাও যদি ঐসকল সৌভাগ্যবানদের মাঝে অন্তর্ভুক্ত হয়ে যেতাম এবং বুয়ুর্গানে দ্বীনদের رَحْمَةُ اللهِ الْبُيِّنِينَ পদ্ধতি অনুসারে চলে প্রবল আত্মহের সহিত সদকা ও খয়রাত প্রদানকারী হয়ে যেতাম। আমাদের বুয়ুর্গানে দ্বীনদের رَحْمَةُ اللهِ الْبُيِّنِينَ সদকা প্রদানের প্রেরণা এরূপ ছিলো যে, যদি তাঁদের নিকট কোন ভিক্ষুক আসতো, তবে এই পবিত্র আত্মারা কখনোই তাদের খালি হাতে ফিরিয়ে দিতেন না, যদিওবা তাদেরকে দেয়ার পর নিজের জন্য কিছুই অবশিষ্ট না থাকে, অর্থাৎ তাদের আল্লাহ তায়ালা প্রতি এরূপ দৃঢ় বিশ্বাস থাকতো যে, শুধু অতিরিক্ত দ্রব্যাদী নয় বরং নিজের প্রয়োজনীয় জিনিসও সদকা করে দিতেন। আসুন! এপ্রসঙ্গে কয়েকটি ঘটনাবলী শ্রবণ করি।

জান্নাতে ঘরের জামানত

একব্যক্তি খোরাসান থেকে বসরা এলো এবং সে প্রসিদ্ধ আল্লাহর অলী হযরত সায্যিদুনা হাবীব আযমী رَحْمَةُ اللَّهِ تَعَالَى عَلَيْهِ এর নিকট আমানত স্বরূপ দশ হাজার (১০০০০) দিরহাম গচ্ছিত রাখে এবং বললো যে, আপনি আমার জন্য বসরায় একটি ঘর কিনবেন, যেনো যখন আমি মক্কা থেকে ফিরে আসবো তখন সেই ঘরে থাকতে পারি (একথা বলে চলে গেলো)। এমতাবস্থায় মানুষ আটার উচ্চমূল্যের সম্মুখিন হলো, তখন হযরত হাবীব আযমী رَحْمَةُ اللَّهِ تَعَالَى عَلَيْهِ সেই দিরহামগুলো দ্বারা আটা কিনে সদকা করে দিলেন, তাকে বলা হলো, সেই ব্যক্তি তো আপনাকে ঘর কিনার জন্য বলেছিলেন! বললেন: আমি তার জন্য জান্নাতে ঘর নিয়ে নিয়েছি! যদি সে এতে খুশি থাকে তবে তো ঠিক আছে, নয়তো আমি তাকে দশ হাজার (১০০০০) দিরহাম ফিরিয়ে দিবো। অতঃপর যখন সে ফিরে এলো তখন জিজ্ঞাসা করলো: হে আবু মুহাম্মদ رَحْمَةُ اللَّهِ تَعَالَى عَلَيْهِ! (এটি হযরত হাবীব আযমী رَحْمَةُ اللَّهِ تَعَالَى عَلَيْهِ এর উপনাম ছিলো) আপনি কি ঘর কিনে নিয়েছেন? উত্তর দিলেন: হ্যাঁ! অট্টালিকা, নদী এবং গাছপালাসহ, তখন সেই ব্যক্তি অনেক খুশি হলো, অতঃপর বলতে লাগলো: আমি তাতে থাকতে চাই, তিনি رَحْمَةُ اللَّهِ تَعَالَى عَلَيْهِ বললেন: আমি সেই ঘর আল্লাহ তায়ালায় নিকট থেকে জান্নাতে কিনেছি! একথা শুনে সেই ব্যক্তি খুশি আরো বৃদ্ধি পেলে, তার স্ত্রী বললো: তাঁকে বলুন যে, তাঁর জামানতের একটি দলীল লিখে দিতে, তখন হযরত হাবীব আযমী رَحْمَةُ اللَّهِ تَعَالَى عَلَيْهِ লিখলেন: “ بِسْمِ اللَّهِ الرَّحْمَنِ الرَّحِيمِ ” যে ঘর হাবীব আযমী অট্টালিকা, নদী এবং গাছপালাসহ দশ হাজার (১০০০০) দিরহামে আল্লাহ তায়ালায় নিকট থেকে অমুক বিন অমুকের জন্য জান্নাতে কিনেছে, এটি তারই দলিল। এবার আল্লাহ তায়ালায় দয়াময় দায়িত্ব যে, তিনি যেনো হাবীব আযমীর জামানত পূরণ করে দেন।” কিছুদিন পর সেই ব্যক্তি ইন্তিকাল করলো। সে এই ওসীয়াত করেছিলো যে, আমার কাফনে এই কাগজের টুকরোটি দিয়ে দিবে। (দাফনের পর) যখন সকাল হলো তখন লোকেরা দেখলো যে, সেই ব্যক্তির কবরে একটি কাগজের টুকরো, যাতে লেখা রয়েছে যে, এটি হাবীব আযমীর জন্য ঐ ঘর হতে মুক্তিনামা, যা সে অমুক ব্যক্তির জন্য কিনেছিলো, আল্লাহ তায়ালা ঐ ব্যক্তিকে সেই ঘর প্রদান করেছেন। সেই চিঠিটি হাবীব আযমী رَحْمَةُ اللَّهِ تَعَالَى عَلَيْهِ নিয়ে গেলেন এবং তিনি অনেক কাঁদলেন আর বললেন: এটি আল্লাহ তায়ালা পক্ষ হতে আমার জন্য মুক্তিনামা।

(নুজহাতুল মাজলিস, বাবু ফি ফদলুস সদকা..., ২য় খন্ড, ৬ পৃষ্ঠা)

মনে রাখবেন! বর্ণনাকৃত ঘটনায় আল্লাহ তায়ালা অলী হযরত সায়্যিদুনা হাবীব আযমী رَضِيَ اللهُ تَعَالَى عَنْهُ এর আমানতসমূহ ব্যবহার করে নেয়া এবং মানুষের মাঝে সদকা করে দেয়া, আল্লাহর আউলিয়াদের বিশেষ অবস্থা ও বিশেষ ক্ষমতা প্রয়োগের ঘটনাবলী থেকে একটি ঘটনা, নয়তো প্রত্যেকের জন্য শরীয়াতে এই বিষয়ে অনুমতি নেই যে, কারো আমানতকে নিজের জন্য ব্যবহার করে নেয়া বা তা অন্য লোকের জন্য ব্যয় করে দেয়া।

অতুলনীয় তাওয়াক্কুল এবং অনুপম সদকা

অনুরূপভাবে হযরত সায়্যিদাতুনা আয়েশা সিদ্দিকা رَضِيَ اللهُ تَعَالَى عَنْهَا থেকে বর্ণিত, এক মিসকিন তাঁর নিকট ভিক্ষা চাইলো, আর তিনি رَضِيَ اللهُ تَعَالَى عَنْهَا ছিলেন রোযাদার এবং ঘরে একটি রুটি ছাড়া আর কিছুই ছিলো না। তিনি رَضِيَ اللهُ تَعَالَى عَنْهَا তাঁর খাদেমাকে বললেন: তাকে এই রুটিটি দিয়ে দাও। তখন খাদেমা বললো: আপনার ইফতারের জন্য এছাড়া আর কিছু নেই, সায়্যিদা আয়েশা رَضِيَ اللهُ تَعَالَى عَنْهَا বললেন: তাকে সেই রুটি দিয়ে দাও। খাদেমা বর্ণনা করলো, আমি সেই রুটি তাকে দিয়ে দিলাম, এখনো সন্ধ্যা হয়নি যে, আহলে বাইতের মধ্য থেকে কেউ বা অন্য কোন ব্যক্তি যিনি উপহার দিয়ে থাকেন, তাঁকে (হযরত আয়েশা رَضِيَ اللهُ تَعَالَى عَنْهَا কে) উপহার স্বরূপ একটি ছাগল পাঠালেন, আগমনকারী সেই মাংসকে একটি কাপড় দ্বারা ঢেকে আনলেন। তিনি رَضِيَ اللهُ تَعَالَى عَنْهَا তাঁর খাদেমাকে ডেকে বললেন: নাও এখান থেকে খাও, এটি তোমার ঐ রুটির চেয়ে উত্তম। (শুয়াবুল ঈমান, বাবু ফিয যাকাত, ফসলু ফি'মা জা'আ ফিল ঈসার, ৩/২৬০, হাদীস নং-৩৪৮২)

প্রিয় ইসলামী ভাইয়েরা! এটি ছিলো আল্লাহ ওয়ালাদের আচরণ, যেমনই হোক সদকা দিতেন, এটিই কারণ যে, আল্লাহ তায়ালা তাঁদের ভরসার কারণেই তাঁদেরকে উত্তম প্রতিদান দান করেন।

আপন যুগের আবদাল হযরত সায়্যিদুনা আবু জাফর বিন খাত্তাব رَضِيَ اللهُ تَعَالَى عَنْهُ বলেন: আমার ঘরের দরজায় এক ভিক্ষুক ভিক্ষা চাইলো, আমি মুহতরমা স্ত্রীকে জিজ্ঞাসা করলাম: তোমার নিকট কি কিছু আছে? উত্তর পেলাম: চারটি ডিম আছে। আমি বললাম: ভিক্ষুককে দিয়ে দাও। তিনি তাই করলেন। ভিক্ষুক ডিম নিয়ে চলে গেলো। তখনও সামান্য সময় অতিবাহিত হয়েছে যে, আমার নিকট এক বন্ধু ডিমে

ভরা একটি বুড়ি পাঠালো। আমি পরিবারকে (স্ত্রীকে) জিজ্ঞাসা করলাম: এতে মোট কয়টা ডিম আছে? সে বললো: ত্রিশটি। আমি বললাম: তুমি তো ভিক্ষুককে চারটি ডিম দিয়েছিলে, এই ত্রিশটি কোন হিসাবে এলো! বললো: ত্রিশটি ভাল এবং দশটি ভাঙ্গা।

হযরত সায্যিদুনা শায়খ আল্লামা ইয়াফেয়ে ইয়ামনি رَحْمَةُ اللهِ تَعَالَى عَلَيْهِ বলেন: অনেকে এই ঘটনা সম্পর্কে এটাই বর্ণনা করেন যে, ভিক্ষুককে যে ডিম দেয়া হয়েছিলো তাতে তিনটি ডিম ভাল এবং একটি ডিম ভাঙ্গা ছিলো। রব তায়াল্লা প্রতিটির বদলে দশটি করে দান করেছেন। ভাল ডিমের বদলে ভাল এবং ভাঙ্গা ডিমের বদলে ভাঙ্গা। (ফয়যানে সুন্নাত, খানারের আদব অধ্যায়, ১ম খন্ড, ৩৮২ পৃষ্ঠা। রওশ্বর রিয়াহীন, ১৫১ পৃষ্ঠা)

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

প্রিয় ইসলামী ভাইয়েরা! আমাদের বুয়ুর্গানে দ্বীনরা رَحْمَةُ اللهِ الْيُسْبِينِ শুধু নিজেরা অধিকহারে সদকা ও খয়রাত করতেন না বরং অন্যান্যদেরকেও এই কল্যাণময় কাজে অনেক উৎসাহ প্রদান করতেন, আসুন! এপ্রসঙ্গে তিনটি বাণী শ্রবণ করি:

(১) সর্বাবস্থায় সদকা করো

আমীরুল মুমিনিন হযরত সায্যিদুনা আলীউল মুরতাদ্বা كَرَّمَ اللهُ تَعَالَى وَجْهَهُ الْكَرِيمِ বলেন: যদি তোমার নিকট দুনিয়ার সম্পদ আসে, তবে তার মধ্য থেকে কিছু ব্যয় করো, কেননা ব্যয় করাতে তা শেষ হয়ে যায়না এবং যদি দুনিয়ার সম্পদ তোমার প্রতি বিমূখ হতে থাকে, তবুও এর মধ্য থেকে কিছু ব্যয় করো, কেননা তা অবশিষ্ট থাকার নয়। (ইহইয়াউল উলুম, ৩/৭৩৮)

(২) দানশীলতা কি?

হযরত সায্যিদুনা হাসান বসরী رَحْمَةُ اللهِ تَعَالَى عَلَيْهِ থেকে জিজ্ঞাসা করা হলো যে, দানশীলতা কি? বললেন: আল্লাহ তায়ালার জন্য নিজের সম্পদ অধিকহারে ব্যয় করা। অতঃপর জিজ্ঞাসা করা হলো: সতর্কতা কি? বললেন: আল্লাহ তায়ালার জন্য সম্পদকে জমা করে রাখা, আরো জিজ্ঞাসা করা হলো: অপচয় কি? বললেন: ক্ষমতার আকাংখায় সম্পদ ব্যয় করা। (ইহইয়াউল উলুম, ৩/৭৩৯)

(৩) ক্ষমা ও দানশীলতা ঈমানের অংশ

হযরত সায্যিদুনা হুযাইফা رضي الله تعالى عنه বলেন: দ্বীনের ক্ষেত্রে গুনাহগার এবং জীবনে সহায়হীন ও দুরাবস্থা সম্পন্ন অনেক লোক শুধু নিজের দানশীলতার কারণেই জান্নাতে প্রবেশ করবে। (ইহইয়াউল উলুম, ৩/৭৪০)

صَلِّ عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

আর্থিক ইবাদতের গ্রহণযোগ্যতা

প্রিয় ইসলামী ভাইয়েরা! যাকাত এবং সদকা ও খয়রাতকে আর্থিক ইবাদতে গন্য করা হয় এবং এই ইবাদতের সামর্থ্য আল্লাহ তায়ালা সম্পদশালীদেরকেই দিয়েছেন, গরীব ও মিসকিন লোকদের চাহিদা পূরণ হওয়ার পাশাপাশি সম্পদ যেনো এক জায়গায় জমা হয়ে না যায়, বরং পুরো সমাজে যেনো বিবর্তন হতে থাকে। তাছাড়া আল্লাহ তায়ালা সম্পদকে গরীব ও মিসকিনদের মাঝে ব্যয় করাকে নিজের সম্বৃষ্টির মাধ্যম বলে ঘোষণা করে দিয়েছেন, সুতরাং যদি কোন ব্যক্তি কোন গরীব ও মিসকিন ব্যক্তিকে আর্থিক সাহায্য করে, তার প্রতি দয়া করে তবে একে নিজের সৌভাগ্য মনে করবে এবং কখনোই সেই গরীবকে খোঁটা দিয়ে তাকে লজ্জিত করবে না। মনে রাখবেন! ঐ সদকার সাওয়াব অর্জিত হয়, যার পরবর্তীতে খোঁটা দেয়া হয়না। আল্লাহ তায়ালা তাঁর পথে ব্যয়কারীদের সম্পর্কে ৩য় পারার সূরা বাকারার ২৬২ ও ২৬৩ নং আয়াতে ইরশাদ করেন:

الَّذِينَ يُنْفِقُونَ أَمْوَالَهُمْ فِي سَبِيلِ اللَّهِ
ثُمَّ لَا يَتَّبِعُونَ مِمَّا أَنْفَقُوا مَنًّا وَلَا أَدَىٰ
لَهُمْ أَجْرُهُمْ عِنْدَ رَبِّهِمْ وَلَا خَوْفٌ عَلَيْهِمْ
وَلَا هُمْ يَحْزَنُونَ ﴿٢٦٢﴾ قَوْلٌ مَّعْرُوفٌ وَمَغْفِرَةٌ
خَيْرٌ مِّنْ صَدَقَةٍ تَتَّبِعَهَا آدَىٰ ۗ

(১ম পারা, সূরা বাকারা, আয়াত ২৬২, ২৬৩)

কানযুল ঈমান থেকে অনুবাদ: ঐসব লোক, যারা স্বীয় সম্পদ আল্লাহর পথে ব্যয় করে, অতঃপর ব্যয় করার পর না খোঁটা দেয়, না ক্লেশ দেয়, তাদের প্রতিদান তাদের প্রতিপালকের নিকট রয়েছে এবং তাদের না আছে কোন আশংকা না আছে কোন দুঃখ। ভালো কথা বলা এবং ক্ষমা করা, সেই সদকা অপেক্ষা শ্রেয়তর, যারপর ক্লেশ দেয়া হয়।

হযরত আল্লামা আলাউদ্দিন আলী বিন মুহাম্মদ رحمته الله تعالى عليه তাফসীরে খাযিনে এই আয়াতে মোবারকার আলোকে বলেন যে, খোঁটা দেয় দ্বারা উদ্দেশ্য হচ্ছে, কিছু দেয়ার পর অপরের সামনে তা প্রকাশ করা যে, আমি তাতে এতকিছু

দিলাম এবং তোমার সাথে এরূপ আচরণ করলো। ব্যস এরূপ কাউকে কষ্ট ও দুঃখিত করাকে খোঁটা দেয়া বলে এবং কাউকে কষ্ট দেয়া দ্বারা উদ্দেশ্য, তাকে লজ্জা দেয়া যেমন; এরূপ বলা যে, তুমি তো নিঃস্ব ছিলে, গরীব ছিলে, অসহায় ছিলে, অকেজো ছিলে ইত্যাদি, আমি তোমাকে দেখাশোনা করেছি। আরো বলেন: যদি ভিক্ষুককে কিছু নাই দেয়া হয়, তবুও তার সাথে ভাল কথা বলুন এবং আনন্দচিত্তে এরূপ উত্তর দেয়া যে, যেনো তা তার অপছন্দ না হয় এবং যদি সে বারবার ভিক্ষা চায় বা বকবক করে তবে তাকে ক্ষমা করে দিবে (তা ঐ সদকা থেকে উত্তম, যাতে পরবর্তীতে কষ্ট দেয়া এবং খোঁটা দেয়া হয়)। (তাক্বসীরে খামিন, ৩য় পারা সূরা বাকারা, ১/২০৬)

মুসলমানের সম্মান

প্রিয় ইসলামী ভাইয়েরা! চিন্তা করুন! ইসলাম মুসলমানদের সম্মানের প্রতি কিরূপ সজাগ রয়েছে যে, যেকোন ব্যক্তি নিজ মুসলমান ভাইকে আর্থিক সাহায্য করার পর যেনো খোঁটা দিয়ে বা বিদ্রূপ করে তাকে কষ্ট না দেয়, বরং তার ব্যক্তিগত ভাবে সম্মান করবে, কেননা সদকা ও খয়রাত দেয়ার কারণে কাউকে এই অধিকার দেয়া হয়নি যে, যখনই ইচ্ছা খোঁটা দিয়ে গরীবের সম্মানকে ভুলুণ্ঠিত করবে। এরূপ সদকা থেকে তো উত্তম ছিলো যে, সে কিছুই না দিতো, বরং তাকে কোন ভাল কথা বলে দিতো, ক্ষমা চেয়ে নিতো বা অন্য কোন লোকের নিকট পাঠিয়ে দিতো। এখানে ঐসকল লোকের জন্য উপদেশ বিদ্যমান যে, যারা প্রথমে খুশি হয়েই অভাবগ্রস্থদের সাহায্য করে দেন, কিন্তু পরে বিদ্রূপের তীর তাদের বুককে ঝাঁঝাড়া বানিয়ে দেয়। কোন বিষয়ে সামান্য রাগ কেন এলো, সাথেসাথেই নিজের করুণা করার লম্বা তালিকা শুনিয়ে দেয়া শুরু করে। যেমন; বলা হয়, অমুকের জন্য আমি চাকরির সুপারিশ করেছিলাম, আজ আমার কথাই শুনছেন। যখন তার মা হাসপাতালে ধুকছিলো তখন আমিই তাকে সাহায্য করেছি। তার মেয়ের বিয়ে আমিই দিয়েছি, আজ আমার সকল দয়াকে সে ভুলে গেছে ইত্যাদি। মনে রাখবেন! এরূপ কথা বৃথাই বৃথা, কেননা সম্পদ তো আপনি দিয়েই দিয়েছেন, এখন খোঁটা দিয়ে এবং বিদ্রূপ করে সাওয়াব নষ্ট করবেন না। ৩য় পারায় সূরা বাকারার ২৬৪ নং আয়াতে আল্লাহ তায়াল্লা ইরশাদ করেন:

يَا أَيُّهَا الَّذِينَ آمَنُوا لَا تَبْطُلُوا
صَدَقَاتِكُمْ بِالْمَنِّ وَالْأَذَىٰ

(১ম পারা, সূরা বাকারা, আয়াত ২৬৪)

কানযুল ঈমান থেকে অনুবাদ: হে ঈমানদারগণ!
আপন দানকে নিষ্ফল করে দিওনা, খোঁটা দিয়ে
এবং ক্লেশ দিয়ে।

তাহসীরে মাদারিকে হযরত সায্যিদুনা আবুল বারাকাত আব্দুল্লাহ বিন আহমদ رَحْمَةُ اللَّهِ تَعَالَى عَلَيْهِ এই আয়াতে মোবারাকার আলোকে বলেন: যেভাবে মুনাফিকের আল্লাহ তায়ালার সন্তুষ্টি অর্জন উদ্দেশ্য নয় এবং তারা নিজের সম্পদকে লোক দেখানোর জন্য ব্যয় করে নষ্ট করে দেয়, সেভাবে তোমরা খোঁটা দিয়ে এবং কষ্ট দিয়ে আপন সদকার প্রতিদানকে নষ্ট করো না।

(তাহসীরে মাদারিক, ৩য় পারা, সূরা বাকারা ২৬৪ নয় আয়াতের পাদটিকা, ১৪৭ পৃষ্ঠা)

তিনটি প্রয়োজনীয় বিষয়

প্রিয় ইসলামী ভাইয়েরা! জানা গেলো যে, সদকা দিতে গিয়ে তিনটি বিষয়ের প্রতি সজাগ থাকা আবশ্যিক: (১) সদকা দিয়ে খোঁটা না দেয়া (২) যাকে সদকা দিবে, তার মনকে বিদ্রূপের তীর দ্বারা ক্ষত না করা (৩) সদকা একনিষ্ঠতা সহকারে এবং আল্লাহ তায়ালার সন্তুষ্টি অর্জনের জন্য দেয়া।

মুসলমানকে বিদ্রূপ করে, খোঁটা দিয়ে মনে কষ্ট প্রদানকারী এবং লৌকিকতার আপদে লিগুদের জন্য ভাবনার বিষয়, সুতরাং তাদের উচিত যে, যখনই সদকা ও খয়রাত করার সৌভাগ্য অর্জিত হয় তখন আলোচ্য বিষয় তিনটির প্রতি সজাগ থাকা, এমন যেনো না হয় যে, কাল কিয়ামতের দিন তারাও ঐসকল অসহায়দের মধ্যে গন্য হলো, যারা অসংখ্য নেকী নিয়ে এসেছিলো কিন্তু খালি হাতে রয়ে গেলো।

প্রিয় ইসলামী ভাইয়েরা! সদকা ও খয়রাত করার সময় এই বিষয়টির উপরও বিশেষভাবে খেয়াল রাখা উচিত যে, কাকে সদকা দেয়া যাবে আর কাকে দেয়া যাবেনা, দূর্ভাগ্যজনকভাবে আজকাল সমাজে হকদার এবং অভাবগ্রস্থদের খুঁজে পাওয়া দুস্কর হয়ে গেছে, কেননা এরূপ অনেক লোকও দেখা যায় যে, যারা একেবারে সুস্থ্য সবল, কিন্তু নিজেকে গরীব ও নিঃস্ব এবং অভাবগ্রস্থ বলে ভিষ্কার হাত প্রসারিত করতে এতটুকু লজ্জিত হয়না। সুতরাং এবিষয়ে অনেক সতর্কতার প্রয়োজন, যে আসলেই অভাবগ্রস্থ বা উপার্জনের ক্ষমতা নেই, এরূপ লোকদেরকেই

দিতে হবে, পেশাদার ভিক্ষুককে কখনোই দিবেন না, নয়তো এমন যেনো না হয় যে, সাওয়াবের পরিবর্তে আমাদের আমলনামায় গুনাহ লিখে দেয়া হলো। যেমনটি আলা হযরত, ইমামে আহলে সুনাত, মাওলানা শাহ ইমাম আহমদ রযা খাঁ رَحْمَةُ اللهِ تَعَالَى عَلَيْهِ এর বর্ণনার সারমর্ম হলো: যার ভিক্ষা করা হালাল নয়, এরূপ ভিক্ষুকদের অবস্থা জেনে তাদের কিছু দেয়া কোন সাওয়াবের কাজ নয় বরং নাজায়িয ও গুনাহ এবং গুনাহের কাজে সাহায্য করা। (সংশোধিত ফতোয়ায়ে রযবীয়া থেকে সংস্কৃপিত, ১০/৩০০৩)

নবীয়ে আকরাম, নূরে মুজাসসাম صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: যে ব্যক্তি মানুষের নিকট ভিক্ষা করে, অথচ সে ক্ষুধার্ত নয়, অধিক সন্তানাদীও নেই যে, তাদের ভরণ পোষনের ক্ষমতা রাখেনা, তবে কিয়ামতের দিন এভাবে আসবে যে, তার মুখে মাংস থাকবে না। (গুয়াবুল ঈমান লিল বায়হাকী, ৩/২৭৪, হাদীস নং-৩৫২৬)

মনে রাখবেন! সাধারণ অভাবগ্রস্থদের পরিবর্তে দ্বীনের জন্য নিজ বাড়ি ঘর ছেড়ে মাদরাসায় অবস্থান গ্রহণকারী অভাবগ্রস্থ ছাত্রদের অভাব পূরণ করা এবং তাদের আর্থিক সহায়তা করা বেশি উত্তম। সুতরাং দাওয়াতে ইসলামীর প্রকাশনা প্রতিষ্ঠান মাকতাবাতুল মদীনা কর্তক প্রকাশিত ৪১৫ পৃষ্ঠা সম্বলিত কিতাব “যিয়ায়ে সাদাকাহ” এর ১৭২ পৃষ্ঠায় রয়েছে: ইমাম গাযালী رَحْمَةُ اللهِ تَعَالَى عَلَيْهِ উদ্ধৃত করেন যে, একজন আলিমের অভ্যাস ছিলো যে, তিনি সদকা দেয়াতে সূফী ফকিরদের প্রাধান্য দিতেন। তাঁকে আরয় করা হলো যে, আপনি যদি সাধারণ ফকিরদের সদকা দেন তবে কি তা উত্তম নয়? উত্তর দিলেন: এই নেক লোকেরা সর্বদা আল্লাহ তায়ালার যিকির ও মুহাব্বতে মগ্ন থাকে, যদি তাদের উপর ক্ষুধা ও বিপদ আসে তবে তাদের এই ব্যস্ততায় বাঁধা আসবে, সুতরাং আমার নিকট দুনিয়ার হাজারো অভাবগ্রস্থকে দেয়ার চেয়ে উত্তম যে, একজন সত্যিকার দ্বীনদারকে দেয়া।

যখন হযরত সাযিয়্যুনা জুনাইদ বাগদাদী رَحْمَةُ اللهِ تَعَالَى عَلَيْهِ কে এই কথা বলা হলো, তখন তিনি তা পছন্দ করলেন এবং বললেন: এই ব্যক্তি আল্লাহ তায়ালার অলীদের মধ্যে একজন, আমি আজ পর্যন্ত এরূপ ভাল কথা শুনি নি।

(যিয়ায়ে সাদাকাহ, ১৭২ পৃষ্ঠা)

অনুরূপভাবে হযরত সাযিয়্যুনা আব্দুল্লাহ বিন মুবারক رَحْمَةُ اللهِ تَعَالَى عَلَيْهِ (যিনি ইমাম আযম আবু হানিফা رَحْمَةُ اللهِ تَعَالَى عَلَيْهِ এর বিশেষ শাগরেদ এবং হানাফি ফিকাহ শাস্ত্রের

ইমাম ছিলেন) আলিমদের সাথে বিশেষভাবে সৌহার্দপূর্ণ আচরণ করতেন, তাঁকে জিজ্ঞাসা করা হলো: আপনি সবার সাথে একইরূপ আচরণ করেন না কেন? বললেন: আমি আশ্বিয়ায়ে কিরামদের (عَلَيْهِمُ السَّلَامَةُ وَ السَّلَام) এর সাহায্যে কিরাম (عَلَيْهِمُ الرِّضْوَان) পর ওলামা ছাড়া আর কারো মর্যাদাকে উচ্চতর মনে করিনা, একজন আলিমও যদি নিজের চাহিদার কারণে ধ্যানচ্যুত হন তবে তিনি আসলে দ্বীনের খেদমত করতে পারবে না এবং দ্বীনি শিক্ষায় তার সঠিক মনোযোগ থাকবে না। সুতরাং তাদেরকে জ্ঞানের খেদমত করার জন্য অবসর করে দেয়া উত্তম। (যিয়ায়ে সাদাকাহ, ১৪২ পৃষ্ঠা)

দা'ওয়াতে ইসলামীকে সহায়তা করুন!

প্রিয় ইসলামী ভাইয়েরা! اَلْحَمْدُ لِلّٰهِ عَزَّوَجَلَّ দা'ওয়াতে ইসলামী দ্বীনের বার্তাকে সারা দুনিয়ায় প্রসারকারী খাঁটি দ্বীনি সংগঠন, যার উদ্দেশ্য হচ্ছে সকল মুসলমানকে এই মাদানী মানসিকতা প্রদান করা যে, “আমাকে নিজের এবং সারা দুনিয়ার মানুষের সংশোধনের চেষ্টা করতে হবে। اِنَّ هَآءَ اللّٰهِ عَزَّوَجَلَّ” বর্তমান সমাজে চারিদিকে গুনাহে ভরপুর। এরূপ বিপদ সঙ্কুল পরিস্থিতিতে সূন্নাতে ভরা সংগঠন “দা'ওয়াতে ইসলামী”র অস্তিত্ব কোন নেয়ামতের চেয়ে কম নয়। اَلْحَمْدُ لِلّٰهِ عَزَّوَجَلَّ দা'ওয়াতে ইসলামী সূন্নাতে প্রশিক্ষণ এবং নেকীর দাওয়াত প্রসার করার জন্য প্রায় ১০৪টি বিভাগে মাদানী কাজ করে যাচ্ছে। এই সকল বিভাগ পরিচালনা করতে কোটি কোটি নয় শত কোটি টাকা ব্যয় হয়, যা সামর্থ্যবান ব্যক্তিদের সহযোগীতায় সম্পন্ন হয়। মনে রাখবেন! দা'ওয়াতে ইসলামী দ্বীন ইসলামের প্রতিনিধিত্বকারী, এর বার্তাকে প্রসারকারী মাদানী সংগঠন, এর সাথে যেকোন ধরনের সহায়তা করা বাস্তবিকপক্ষে দ্বীন ইসলামেরই সহায়তা করাই এবং যে দ্বীন ইসলামকে সহায়তা করে, তার সম্পর্কে আল্লাহ তায়ালা ইরশাদ করেন:

وَلَيَنْصُرَنَّ اللّٰهُ مَن يَّصُرُ^ط
(১৮তম পারা, সূরা হুজ্ব, আয়াত ৪০)

কানযুল ঈমান থেকে অনুবাদ: এবং নিশ্চয় আল্লাহ সাহায্য করবেন তারই, যে তাঁর দ্বীনের সাহায্য করবে।

প্রিয় ইসলামী ভাইয়েরা! আল্লাহ তায়ালা স্বয়ং তাকে সাহায্য করবেন, যে তাঁর দ্বীনের সাহায্য করবে। হাকীমুল উম্মত মুফতী আহমদ ইয়ার খান رَحْمَةُ اللّٰهِ تَعَالٰى عَلَيْهِ বলেন: আউলিয়াদের সাহায্য করা, নবীর খেদমত করা, ইলমে দ্বীনের প্রসার করা

সবই আল্লাহ তায়ালার দ্বীনের সাহায্য। (নুরুল ইরফান, ৫৩৭ পৃষ্ঠা) যেহেতু দা'ওয়াতে ইসলামী দ্বীনের প্রসারকারী, গুনাহ থেকে বিরত রাখা এবং সুন্নাতের আমলকারী বানিয়ে সত্যিকার আশিকে রাসূল বানানোর সংগঠন, তাই এর সাহায্যও দ্বীনকে সাহায্য করা হিসেবে গন্য হবে। মনে রাখবেন! স্বর্ণ, রৌপ্য, নগদ ইত্যাদি দ্বারা দ্বীনের সাহায্য করা কোন নতুন বিষয় নয় বরং প্রিয় নবী ﷺ এর উৎসাহে হযরত সায়্যিদুনা সিদ্দিকে আকবর رَضِيَ اللهُ تَعَالَى عَنْهُ নিজের ঘরের সম্পূর্ণ মালামাল প্রিয় নবী ﷺ এর দরবারে উপস্থিত করা (সুনানে তিরমিধী, ৫/৩৮০, হাদীস নং-৩৬৯৫) যেনো আমাদেরকে শিক্ষা দিচ্ছেন যে, দ্বীনের উন্নতির জন্য একজন মুসলমান নিজের সম্পদ উজার করে দিতে যেনো পিছপা না হয়।

প্রিয় ইসলামী ভাইয়েরা! ইসলামের উন্নতির জন্য হযরত সায়্যিদুনা সিদ্দিকে আকবর رَضِيَ اللهُ تَعَالَى عَنْهُ এর নিজের সমস্ত সম্পদ উজার করে দেয়ার প্রেরণাকে মত কোটি মুবারকবাদ! বর্তমান সময়েও দ্বীনের কাজের জন্য চাঁদা সংগ্রহ করা খুবই প্রয়োজন। প্রিয় নবী ﷺ ইরশাদ করেন: “আখেরী যুগে দ্বীনের কাজও দিরহাম ও দিনার দ্বারাই হবে।” (মুজাম্মুল কবীর, ২০/২৭৯, হাদীস নং-৬৬০) এই হাদীসে পাক থেকে যেমনিভাবে প্রিয় নবী ﷺ এর ইলমে গাইব প্রমাণিত হলো, তেমনিভাবে এটাও জানা গেলো যে, কোন এক যুগে দ্বীনের কাজ করার জন্য টাকার খুবই প্রয়োজন পরবে, বর্তমান যুগে যে অবস্থা দেখা যাচ্ছে, তা কারো নিকট লুকায়িত নয়, যেহেতু দা'ওয়াতে ইসলামী আশিকানে রাসূলের মাদানী সংগঠন, তাই এর ব্যয় নির্বাহ করার জন্য অনেক টাকার প্রয়োজন। রজবুল মুরাজ্জব, শাবানুল মুয়াযযম এবং রমযানুল মুবারকে লোকেরা অধিকহারে সদকা ও দান অনুদান প্রদানে আগ্রহী হয়, তাই এই মাসগুলোতে মাদানী তহবিল সংগ্রহ করার উত্তম সুযোগ, আমাদেরও সাওয়াবের নিয়তে দা'ওয়াতে ইসলামীর মাদানী কাজের উন্নতির জন্য নিজের পরিবার, আত্মীয় স্বজন এবং পাড়া প্রতিবেশিকে সদকা করার ফযীলত বর্ণনা করে অধিকহারে মাদানী তহবিল সংগ্রহ করা উচিত।

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

১২টি মাদানী কাজের একটি হলো মাদানী ইনআমাতের উপর আমল করা ও মাদানী ইনআমাত মজলিশের পরিচিতি

প্রিয় ইসলামী ভাইয়েরা! নিজের মাঝে আল্লাহ তায়ালার পথে ব্যয় করার প্রেরণাকে জাগ্রত করতে, নিজের চরিত্রকে সজ্জিত করতে এবং নিজের কথাবার্তা ও আচার আচরণকে উন্নত করতে দাঁওয়াতে ইসলামীর সাথে সম্পৃক্ত হয়ে যান এবং যেলী হালকার ১২টি মাদানী কাজেও অংশগ্রহন করুন। যেলী হালকার ১২টি মাদানী কাজের মধ্যে মাসিক একটি মাদানী কাজ হলো “মাদানী ইনআমাত” এর উপর আমল করে মাদানী ইনআমাতের রিসালা পূরণ করে প্রতি মাসের প্রথম তারিখে জমা করানো। আমাদের নিজেদেরও মাদানী ইনআমাতের উপর আমল করা উচিত এবং অপরকেও এর উৎসাহ প্রদান করা উচিত। এখন মাদানী ইনআমাতের এপ্লিকেশনের মাধ্যমেও ফিকরে মদীনা করা যেতে পারে।

মাদানী ইনআমাতের উপর আমলে সহজতা এবং এর কার্যবিবরণীর প্রতি সজাগ থাকতে দাঁওয়াতে ইসলামীর দ্বীনের খেদমতের ১০৪টি বিভাগের মধ্যে একটি গুরুত্বপূর্ণ বিভাগ হলো মাদানী ইনআমাত মজলিশ, এই মজলিশের মূল উদ্দেশ্য হচ্ছে ইসলামী ভাই, ইসলামী বোন, জামেয়াতুল মদীনা ও মাদরাসাতুল মদীনার ছাত্র ছাত্রীদেরকে আমলদার বানানো এবং তাদেরকে মাদানী ইনআমাতের উপর আমল করার উৎসাহ প্রদান করা।

প্রতিদিন ফিকরে মদীনা করার পুরস্কার

আসুন! উৎসাহ গ্রহনার্থে একটি মাদানী বাহার শুনি, এক ইসলামী ভাইয়ের লিখিত বর্ণনার সারাংশ হচ্ছে যে, সে মাদানী ইনআমাতকে ভালবাসে এবং প্রতিদিন ফিকরে মদীনা করতেও অভ্যস্ত। একবার আশিকানে রাসূলের মাদানী সংগঠন দাঁওয়াতে ইসলামীর সুনাত প্রশিক্ষণের মাদানী কাফেলা আশিকানে রাসূলের সাথে বেলুচিস্থানে সফরে ছিলাম। এমতাবস্থার তার উপর দয়ার দরজা খুলে গেলো। হলো যে, এক রাতে যখন সে ঘুমিয়ে পরলো তখন তার সৌভাগ্য আঁড়মোড়া ভেঙ্গে জেগে উঠলো, দেখলো যে, প্রিয় নবী ﷺ স্বপ্নে তামরীফ নিয়ে এসেছেন। তখনো সে অবলোকনে মগ্ন, ঠোঁঠ মুবারক নড়ে উঠলো, রহমতের ফুল ঝড়তে

লাগলো এবং শব্দগুলো অনেকটা এভাবে সজ্জিত ছিলো: “যারা মাদানী কাফেলায় প্রতিদিন ফিকরে মদীনা করে, আমি তাদেরকে আমার সাথে জান্নাতে নিয়ে যাবো।”

মেরে তুম খোয়াব মে আ'ও, মেরে ঘর রৌশনি হোগী,
 মেরী কিসমত জাগা জা'ও, এনায়ত ইয়ে বড়ি হোগী।
 মুঝে গর দীদ হো জায়ে, তু মেরী ঈদ হো জা'য়ে,
 তেরা দীদার জব হোগা, মুঝে হাসিলে খুশি হোগী।
 মে বন জা'ওঁ সারা পা “মাদানী ইনআমাত” কি তাসবীর,
 বনোঙ্গা নেক ইয়া আল্লাহ আগর রহমত তেরী হোগী।

(গুয়াসায়িলে বখশীশ, ৩৯১-৩৯৩ পৃষ্ঠা)

صَلُّوا عَلَى الْحَبِيبِ! صَلَّى اللهُ تَعَالَى عَلَى مُحَمَّدٍ

প্রিয় ইসলামী ভাইয়েরা! বয়ান শেষ করার পূর্বে যাকাত সম্পর্কে কয়েকটি মাদানী ফুল বর্ণনা করা সৌভাগ্য অর্জন করছি।

যাকাত আদায় করার মাদানী ফুল!

কোরআনে পাকে আল্লাহ তায়ালা অনেক স্থানে যাকাত আদায় করার আদেশ দিয়েছেন এবং এর গুরুত্ব বর্ণনা করেছেন। প্রিয় নবী صَلَّى اللهُ تَعَالَى عَلَيْهِ وَآلِهِ وَسَلَّمَ এর অসংখ্য হাদীসে মুবারাকায় যাকাত আদায় করার উৎসাহও রয়েছে। প্রিয় নবী صَلَّى اللهُ تَعَالَى عَلَيْهِ وَآلِهِ وَسَلَّمَ এর দু'টি বাণী: (১) তোমাদের ইসলামে পরিপূর্ণ হওয়া হলো যে, নিজের সম্পদের যাকাত আদায় করা। (মু'জাম্মুশ যাওয়াদ, কিতাবুয যাকাত, ৩/১৯৮, হাদীস নং-৪৩২৬)

(২) ইসলামী ভিত্তি পাঁচটি, এর মধ্য হতে একটি হলো যাকাত আদায় করা।

(তিরমিযী, কিতাবুল ঈমান, ৪/২৭৫, হাদীস নং-২৬১৮)

ঘোষণা: যাকাত সম্পর্কে অবশিষ্ট গুরুত্বপূর্ণ মাদানী ফুল তরবিয়্যতি হালকায় বর্ণনা করা হবে, সুতরাং ঐ মাদানী ফুলগুলো জানতে তরবিয়্যতি হালকায় অবশ্যই অংশগ্রহন করুন।

সাহাবায়ে কিরামগণ عَلَيْهِمُ الرِّضْوَانُও মন খুলে আল্লাহ তায়ালা পথে নিজের সম্পদ সদকা ও খয়রাত করতেন। যাকাত আদায় করা ফরয এবং অনাদায়ীরা ফাসিক আর দেরীত আদায়কারী গুনাহগার এবং তাদের সাম্য গ্রহনযোগ্য নয়। (বাহারে শরীয়ত, ৫/৮৭৪) আল্লাহ তায়ালা সন্তুষ্টি অর্জনের জন্য সম্পদের একটি অংশ যা শরীয়তে নির্ধারণ করেছে, মুসলমান ফকীর হাশিম নয় এমনদেরকে মালিক বানিয়ে দেয়াকে যাকাত বলা হয়। (বাহারে শরীয়ত, ৫/৫৭৪) স্বাধীন, মুসলমান স্বজ্ঞান প্রাপ্ত বয়স্ক এবং নেসাব

পরিমান সম্পদের মালিকের উপর যাকাত আদায় করা ফরয। (বাহারে শরীয়ত, ৫/৮৭৫-৮৭৬)
সর্বপ্রথম গরীব, মিসকিন, নিঃস্ব, অসহায় লোকদের খুঁজে তাদেরকে যাকাত প্রদান
করুন, সময়মতো যাকাত আদায় করাতে গরীবদের উপকার হয়, নিকটতরীয় যদি
যাকাত গ্রহণের হকদার হয় তবে তাদের যাকাত দেয়াতে অধিক সাওয়াব ও প্রতিদান
লাভ হয়। যাকাত আদায় না করাতে ব্যক্তিগত ও সম্মিলিত, ইহকালিন এবং
পরকালিন সর্বপ্রকার ক্ষতির সম্মুখিন হতে পাবে, যেমনটি শ্রিয় নবী صَلَّى اللهُ تَعَالَى عَلَيْهِ وَآلِهِ وَسَلَّمَ
ইরশাদ করেন: যে সম্প্রদায় যাকাত দিবেনা, আল্লাহ তায়ালা তাদের দূর্ভিক্ষে লিপ্ত
করে দিবেন। (মু'জামু ইওসাত, ৩/২৭৫, হাদীস নং-৪৫৭৭)

صَلُّوا عَلَى الْحَبِيبِ! صَلَّى اللهُ تَعَالَى عَلَيْهِ وَآلِهِ وَسَلَّمَ

দা'ওয়াতে ইসলামীর সাম্প্রতিক ইজতিমায় পঠিত ৬টি দরুদ শরীফ ও ২টি দোয়া

(১) বৃহস্পতিবার রাতের দরুদ শরীফ:

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ النَّبِيِّ الْأُمِّيِّ الْحَبِيبِ الْعَالِي
الْقَدْرِ الْعَظِيمِ الْجَاهِ وَعَلَى آلِهِ وَصَحْبِهِ وَسَلَّمَ

বুয়ুর্গরা বলেছেন: যে ব্যক্তি প্রত্যেক জুমার রাতে (বৃহস্পতিবার দিবাগত রাত) এ
দরুদ শরীফ নিয়মিতভাবে কমপক্ষে একবার পাঠ করবে মৃত্যুর সময় তাজেদারে মদীনা,
হযুর পুরনূর صَلَّى اللهُ تَعَالَى عَلَيْهِ وَآلِهِ وَسَلَّمَ এর যিয়ারত লাভ করবে এবং কবরে প্রবেশ করার সময়
এটাও দেখবে যে, রহমতে আলম, নূরে মুজাস্‌সম, হযুর পুরনূর صَلَّى اللهُ تَعَالَى عَلَيْهِ وَآلِهِ وَسَلَّمَ আপন
রহমতপূর্ণ হাতে তাকে কবরে রাখছেন।

(আফযালুস সালাওয়াতি আ'লা সায্যিদিস সাদাত, আস সালাতুস সাদিনাতু ওয়াল খামসুন, ১৫১ পৃষ্ঠা থেকে সংকলিত)

(২) সমস্ত গুনাহের ক্ষমা:

اللَّهُمَّ صَلِّ عَلَى سَيِّدِنَا وَمَوْلَانَا مُحَمَّدٍ وَعَلَى آلِهِ وَسَلَّمَ

হযরত সায্যিদুনা আনাস رَضِيَ اللهُ تَعَالَى عَنْهُ থেকে বর্ণিত; নবী করীম, রউফুর রহীম,
রাসুলে আমীন صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: “যে ব্যক্তি এ দরুদ শরীফ পাঠ করবে যদি
সে দাঁড়ানো থাকে তবে বসার পূর্বে আর বসা থাকলে দাঁড়ানোর পূর্বে তার গুনাহ ক্ষমা করে
দেয়া হবে।” (আফযালুস সালাওয়াতি আ'লা সায্যিদিস সাদাত, ৬৫ পৃষ্ঠা)

(৩) রহমতের ৭০টি দরজা:

صَلَّى اللهُ عَلَى مُحَمَّدٍ

যে ব্যক্তি এ দরুদ শরীফ পাঠ করবে তার উপর রহমতের ৭০টি দরজা খুলে দেয়া হয়। (আল কুউলুল বদী, দ্বিতীয় অধ্যায়, ২৭৭ পৃষ্ঠা)

(৪) ছয়লক্ষ দরুদ শরীফ পাঠ করার সাওয়াব:

اللَّهُمَّ صَلِّ عَلَى سَيِّدِنَا مُحَمَّدٍ عَدَدَ مَا فِي عِلْمِ اللَّهِ صَلَاةً دَائِمَةً بَدْوَامٍ مُلْكِ اللَّهِ

হযরত আহমদ সাভী رَضِيَ اللهُ تَعَالَى عَنْهُ কতিপয় বুয়ুগদের থেকে বর্ণনা করেন: এ দরুদ শরীফ একবার পাঠ করলে ছয়লক্ষবার দরুদ শরীফ পাঠ করার সাওয়াব অর্জন হয়।

(আফযালুস সালাওয়াতি আ'লা সায্যিদিস সাদাত, আস সালাতুস সাযিয়াতু ওয়াল খামসুন, ১৪৯ পৃষ্ঠা)

(৫) নবী করীম ﷺ এর নৈকট্য লাভ:

اللَّهُمَّ صَلِّ عَلَى مُحَمَّدٍ كَمَا تُحِبُّ وَتَرْضَى لَهُ

একদিন এক ব্যক্তি আসলো হুযরে আনওয়ার صَلَّى اللهُ تَعَالَى عَلَيْهِ وَآلِهِ وَسَلَّمَ তাঁকে নিজের এবং সিদ্দীকে আকবর رَضِيَ اللهُ تَعَالَى عَنْهُ এর মাঝখানে বসালেন এতে সাহাবায়ে কিরামগণ عَلَيْهِمُ الرِّضْوَانُ আশ্চর্যান্বিত হলেন যে এ সম্মানিত লোকটি কে! যখন তিনি চলে গেলেন তখন হুযর পুরনূর ইরশাদ করলেন: “সে যখন আমার উপর দরুদ শরীফ পাঠ করে তখন এভাবে পড়ে।” (আল কুউলুল বদী, প্রথম অধ্যায়, ১২৫ পৃষ্ঠা)

(৬) দরুদে শাফায়াত:

اللَّهُمَّ صَلِّ عَلَى مُحَمَّدٍ وَأَنْزِلْهُ الْمَقْعَدَ الْمُقَرَّبَ عِنْدَكَ يَوْمَ الْقِيَامَةِ

উম্মতের শাফায়াতকারী, নবী করীম, রাউফুর রাহীম صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: “যে ব্যক্তি এভাবে দরুদ শরীফ পাঠ করবে, তার জন্য আমার শাফায়াত (সুপারিশ) ওয়াজীব হয়ে যায়।” (আত তারগীব ওয়াত তারহীব, ২/৩২৯, হাদীস নং- ৩০)

(৭) এক হাজার দিনের নেকী

جَزَى اللهُ عَنَّا مُحَمَّدًا مَا هُوَ أَهْلُهُ

হযরত সায্যিদুনা ইবনে আব্বাস رَضِيَ اللهُ تَعَالَى عَنْهُمَا থেকে বর্ণিত, মক্কী মাদানী আক্বা, উভয় জাহানের দাতা, হুযর পুরনূর صَلَّى اللهُ تَعَالَى عَلَيْهِ وَآلِهِ وَسَلَّمَ ইরশাদ করেন: “এ দোয়া পাঠকারীর

সত্তরজন ফিরিশতা এক হাজার দিন পর্যন্ত নেকী সমূহ লিখতে থাকেন।” (মাজমাউয যাওয়াদিদ, কিতাবুল আদইয়াহ, বাবু কাইফিয়াতুস সালাত...শেষ পর্যন্ত, ১০/২৫৪, হাদীস: ১৭৩০৫)

(২) যেন শবে কদর পেয়ে গেলো:

لَا إِلَهَ إِلَّا اللَّهُ الْحَلِيمُ الْكَرِيمُ سُبْحَانَ اللَّهِ

رَبِّ السَّمَوَاتِ السَّبْعِ وَرَبِّ الْعَرْشِ الْعَظِيمِ

সহনশীল দয়ালু আল্লাহ তায়ালা ব্যতীত ইবাদতের উপযোগী কেউ নেই। আল্লাহ তায়ালা পবিত্র, যিনি সপ্ত আসমান ও আরশে আযীমের মালিক ও প্রতিপালক।

ফরমানে মুস্তাফা ﷺ: صَلَّى اللَّهُ تَعَالَى عَلَيْهِ وَآلِهِ وَسَلَّمَ: যে ব্যক্তি রাতে এ দোয়া তিনবার পড়ে নিবে সে যেন শবে কদর পেয়ে গেলো। (তরীখে ইবনে আসাকীর, ১৯/৪৪১৫)